
ВИЛОЯТ ҲОКИМИ ТОШЛОҚ ТУМАНИДАГИ КАСБ-ҲУНАР ТЎГАРАКЛАРИ ҲАМДА МУДОҒАА ИШЛАРИ БЎЛИМИ БИЛАН ТАНИШДИ

Вилоят ҳокими Хайрулло Бозоров бугун Тошлоқ тумани “Пиёзчилик” МФЙдаги 39-умумтаълим мактабида бўлиб, ўқувчиларни касб-ҳунарга ўргатиш жараёнлари билан танишди. Давлатимиз раҳбари ташаббуси билан юртимиздаги таълим муассасаларида ёшларни камида иккита хорижий тил ва битта касб-ҳунарга ўргатиш устувор вазифа этиб белгиланган бўлиб, мазкур мактаб туманда ўқувчиларни касбга йўналтириш бўйича намуна сифатида танлаб олинган.

Тошлоқ, Қўштепа туманлари ҳамда Марғилон шаҳри чегаралари туташган ушбу манзилда касбчилик, айниқса, яхши ривожланган. Ўқувчиларда ҳам бу ҳунарсирларини ўрганишга иштиёқ катта.

Мактаб директори Муҳайё Охунова таълим маскани битирувчилари орасида касб-ҳунарга ўрганишга истақ билдираётганлари кўпчилигини ташкил қилишини маълум қилди. Тикувчилик тўғараклари фаолияти ҳақида ҳам маълумот берилди.

Мулоқотда ўғил-қизларнинг касб-ҳунарга ва билим ўрганишлари учун қулай шарт-шароитлар яратилаётгани, сифатли таълимни ташкил этишда эса ўқитувчи ва мураббийлар масъулиятини ошириш энг муҳим масала эканлиги яна бир бор таъкидланди.

Вилоят ҳокими Хайрулло Бозоров туман мудоғаа ишлари бўлими учун янгидан қуриб битказилган бинони ҳам бориб кўрди.

Тадбиркор Маъмуржон Аҳмедов томонидан 1 миллиард 600 миллион сўм ҳисобига қуриб битказилган 2 қаватли бинода 20 та хона ҳамда алоҳида чақирув пункти мавжуд.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-02-13 23:00:07